

Rauemi:


- He papa tākaro mā ia tamaiti (Tāruatia ki te kāri whaikano e rite ana te tae ki tērā e tohua ana i te kokonga matau o runga o ia kāri. Whakarahia ake ki te A3 kia pai ai te takoto o ngā poro tātai tau ki roto i ngā pouaka). Kia ōrite te tae o tēnā o tēnā o te takirua.
- He huinga poro tātai tau 0 ki te 6 mā ia takirua.

Ngā Ture:

- Ka mahi takirua ngā tamariki. Ka mahi tahi ia takirua ki te whakakī i ngā pouaka kei runga i ā rāua papa tākaro.
- Waiho ki rahaki ēnei poro tātai tau: 6–6, 0–0, 0–1, 0–2, 0–3, 0–4, 0–5, me 0–6.
- Whakatakotoria ngā poro tātai tau e toe ana ki te tēpu, kia kitea ngā ira o runga.
- Tangohia tētahi poro tātai tau ka whakatakoto ai ki runga i tō papa tākaro.
- Kia ōrite te tapeke o ngā ira o te poro tātai tau ki te huatango (rerekētanga) o ngā tau kei ngā taha o te wāhi e whakatakotoria ana te poro tātai tau. He tauira: E taea ana ngā poro tātai tau 1–4, me 2–3 te whakatakoto i waenganui i te 23 me te 28 nā te mea ko te “5” te huatango o ēnei tau, me te tapeke hoki o ngā ira.
- Mēnā ka whakawhiti ētahi o ngā poro tātai tau i tētahi tau ngahuru (pērā i te 10, te 20, te 30...) pērā i te whakawhitinga mai i te 38 ki te 44 (ka whakawhitia te 40), he ture anō mō te whakatakoto o tō poro tātai tau. Kia ōrite te maha o ngā ira o ia taha o te poro tātai tau ki te huatango o te tau ngahuru me te tau kei te taha o te wāhi e whakatakotoria ana taua poro tātai tau. Hei tauira: Ko te 2–4 te poro tātai tau e tika ana kia whakatakotoria ki waenganui i te 38 me te 44 (e whakawhitia ana te 40), nā te mea ko te 2 te huatango o te 38 me te 40, ($38 + 2 = 40$), ā, ko te 4 te huatango o te 44 me te 40 ($40 + 4 = 44$).
- Ka haere tonu te whakatakoto i ngā poro tātai tau, kia oti katoa ngā wāhi te whakakī.


Bridges

Pink




Bridges


Pink



Bridges




Bridges




Bridges

Green




Bridges

Green



Bridges

Orange



Bridges

Orange

